



# Coronavirus (COVID-19) sitna

Coronavirus (COVID-19) tawh kisai dot nop khatpeuh na neih leh, naikal 24 sung a kihong den coronavirus hotline 1800 675 398 ah hopih in.

Coronavirus kisit theihna munte na theih nop leh, naikal 24 sung a kihong den coronavirus hotline 1800 675 398 hopih theih a hih kei leh <https://www.dhhs.vic.gov.au/getting-tested-coronavirus-covid-19> ah na en in.

Kamphen na kikap leh, 131 450 hopih masa in la, tua pan in coronavirus hotline tawh kizom ding in ngen in a hih kei leh website ah hong zon sak ding in ngen in.

Pau tuamtuam tawh a kibawl thute hiah ki-en thei hi <https://www.coronavirus.vic.gov.au/translations>.

## **Victoria a om mi khempeuh a dingin coronavirus sitna pen a khawnkhong hi aa tua in gampua pan sangkah ding a hong paite, asylum a ngen laite a hih kei leh gampua pan hong zinpakte zong huam hi**

Coronavirus sitna pen mi khempeuh a dingin a khawnkhong ahi hi. Tua in Medicare a neilo gampua pan a hong zin pakte, gampua pan sangkah ding a hong paite, gampua pan nasem ding a hong om te leh asylum a ngente zong huam hi.

Natna na neih leh, hih a nuai a munte ah a khawnkhong in kisitsak theih hi:

- Victoria zatopi a coronavirus Acute Respiratory Assessment Clinic
- Community Health Centre Respiratory Assessment Clinic
- Shopping centre a kisitpakna ding a kibawl na mun
- Khuata a kisit ziau theihna mun a kibawl te.

## **Kuate coronavirus kisitsak ding?**

Hih dan natna na neihleh coronavirus na neih le neiloh kisit sak ding hoi hi:

- Cisa
- Khuasik
- Bukkhuh
- Gawl na
- Naak haksa sa
- Naptui
- Gimnam bangmah thei theilo

Hih bang natna a suukluat loh hangin na kisitsak veve kizam hi.

## **Na kisitsak ciang bang ci ding?**

Na kisitsak ciangin, nang na hihna (identity) a kitelna ding in lai khatpeuh leh na contact details hong kingen ding hi. Medicare na neih kei leh, nang hong kitheihna lai khatpeuh, gentehna in mawtaw hawl licence, gam pua zin

theihna laibu(passport), khual zin man khiapna card(transport concession card) a hi kei leh sang naupang t ID hong pua in. Na kisitsakna te in na visa din mun a theih uh kism lo hi.

Coronavirus a sit pen zato siamah , siavuan a hih kei leh cidamna lam a sem mi hi ding hi. Amau te in na gawl tawng leh na naak ah a sitna hong taatsak ding hi. Hih a kisit hunsung pen minit khat sung khawng hi.

## **Coronavirus ka kisitsak khit ciangin ka kikhumcip a kism diam?**

Cidamlohna na neih leh siavuan a hih kei leh cidamna lam nasemte in na kisitna phi hong suah masiah kikhumcip dingin hong hilh ding hi. Hih a khatna in kisitna na neih khith phet in inn ciahpah a na kisitna phi hong suahkhat masiah inn ah om ding cihna hi.

Na siavuan a hih kei leh na kisitsakna munte in coronavirus na kisitna tawh kisai na neih leh neih loh hong zasak ding hi.

## **A phi ngah kik hun sung bang tan sawt hiam?**

A taangpi thu in a phi hong suah khatna dingin na kisit sak khith ni 1 – 3 kikal sawt thei hi. A kisitsak mi a tam mahmah leh, a phi na ngahna ding ni 5 bang sawt thei ding hi.

A phi na ngahna tawh kisai in dotnopna neih leh, na kisitsakna mun a hih keh zatopi hopih in.

Shopping centre a kisitpakna mun a kibawlte ah kisitsak na hih a na kisitna phi ni 5 sang a sawtzaw nan ngak khith leh, naikal 24 sung a kihong coronavirus hotline 1800 675 398 hopih in. Tuat'e'n a phi hong hilh thei ding hi. Shopping centre a na kisitsakpakna mun te in a phi hong hilh theilo ding ahim man in, na kisitsakna phi vai hopih kei in.

Natna na nei kei zong na kisitsakna phi hong kihilh ding hi. Natna a nei na hih lam hong kitheih leh Department of Health and Human Services panin hong kihopih in thu kicing zaw hong dong ding uh a, tua ban ah na gamtatzia ding hong hilh ding uh hi.

Hih thusuah pen sim theih dingin na dei leh [Emergency Management Communications](mailto:em.comms@dhhs.vic.gov.au) <em.comms@dhhs.vic.gov.au> email khak in.

Authorised and published by the Victorian Government, 1 Treasury Place, Melbourne.

© State of Victoria, Australia, Department of Health and Human Services May 2020.

ISBN/ISSN 978-1-76069-423-4 (online/print)

Available at [Translated resources - coronavirus disease \(COVID-19\)](https://www.dhhs.vic.gov.au/translated-resources-coronavirus-disease-covid-19) <<https://www.dhhs.vic.gov.au/translated-resources-coronavirus-disease-covid-19>>